

GEMEENTEBULLETIN

6 DESEMBER 2020



EREDIENSTE

Oggenddiens om 09:00 in die kerk en aanlyn

Matteus 1:18-25 | Die krip wys na die kruis | Ds. René Potgieter

Meditatiewe diens om 09:00 in die kapel

Johannes 1:9 | Die viering van advent met kerse | Ds. Philipp Dietmann

DOOP VANDAG

- Clyde en Rozanne Fritz, Durbanville Country Estate, laat doop vir Kai Fritz.
- Johnny en Helena Huysamen, Cherrywood Estate 2, Sonstraalhoogte, laat doop vir Daniël Johannes Huysamen.
- Martin en Michelle Lamprecht, Vyfde laan, Wellington, laat doop vir Lukas Lamprecht.
- Ruan en Leechelle Meiring, Haarlemstraat 29, laat doop vir Jozua Joubert Meiring.
- Endri en Anchen van Niekerk, Rembrandtstraat 10, Sonstraalhoogte, laat doop vir Nicolaas Daniël van Niekerk.

COVID-19-VEILIGHEIDSMATREËLS

Ons neem kennis van die styging in die koronavirusgevalle en wil lidmate verseker dat ons regulasies nougeset toepas. Eredienste kan met die nodige sosiale distansiëring deur minstens 250 persone veilig bygewoon word. Die perseel word ook weekliks gesaniteer.

Tydens eredienste: Kerkgangers moet asseblief maskers vir die volle duur van die erediens dra, ook tydens sang.

Besoeke aan die kerkkantoor: Lidmate moet die kantoor asb. oordeelkundig besoek en asseblief nie die perseel sonder 'n masker betree nie.

GEBEDSBYEEENKOMS EN -VERSOEKE

Die asemskep-gebedsbyeenkoms word elke Dinsdag om 18:30 in die kapel aangebied. Gebedsversoeke kan aan ds. René Potgieter by 079 893 8104 gestuur word.

STELLENBERG ONDER- STEUNINGSENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafripter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

VAKANSIEKASKENADES 18-20 JAN. 2021

Met die oog op die lang skoolvakansie wat voorlê, beplan ons kinderwerker, Brenda Visser, 'n oggendvakansieprogram propvol vrolike kaskenades vir laerskoolkinders, vanaf 18 tot 20 Jan. 2021 op die kerkterrein. Almal van graad 1 tot 7 is welkom om in te skakel. Bring jou eie pousekos. Inskrywings by www.stellenberg.co.za/sunet@stellenberg.co.za. Koste: R200 per kind.

PLANTETAFEL OP 6 DESEMBER

Die Kweek-vir-die-Here-span bied op Sondag 6 Desember om 10:00 weer 'n plantetafel aan. Besoek die uitstalling na die oggenddiens. Onthou plante is uitstekende Kersgeskenke.

GRAAD 8-KAMP (ORIËNTERINGSPROGRAM)

Die jaarlikse graad 8-kamp, wat fokus op die oriëntering van dié groentjies se toetrede tot die hoërskool, word in 'n aangepaste formaat aangebied en sal vanaf 21 tot 22 Januarie 2021 op die kerk- en skoolterrein plaasvind. Ouers kan hul graad 8's op die kerkterrein aflaai en smiddae weer oplaai. Hulle sal saans tuis slaap. Inskrywingsvorme en volledige besonderhede is op www.stellenberg.co.za beskikbaar.

NOODKOSPAKKIES EN FLESSE VOL LEKKERTE VIR DIE KERSGETY

Noodkospakkie: Met 'n kombinasie van drie niebederfbare produkte kan 'n maaltyd vir 'n gesin van ses opgetower word. Verpak asb. die volgende per pakkie:

'n pakkie sojamaalvleis + 500 g pasta + 1 pakkie tamatiepasta, of
'n pakkie sojamaalvleis + 1 blikkie kerriegroente + 500 g rys, of
'n pakkie sojamaalvleis + 1 blikkie ertjies + 500 g rys.

Flesse vol lekkerte: Vul enige leë fles met koekies of lekkers.

Gee asseblief die verpakte produkte by die kerkkantoor af, of plaas dit Sondag in die voorportaal van die kerk.

EDELWEISS

Huisdiens

Sondag 6 Desember
18:00

Jesaja 63 & 64:

“U is ons Vader,
Here, ons is klei”

DAAGLIKSE STEMBOODSKAPPE

Indien jy graag na die
daaglikse boodskap

('n stemopname deur
leraars) op jou

selfoon wil luister,
stuur asb. 'n

WhatsApp met jou
naam + stem-

boodskap na
083 611 4720.

Jy sal dan op die ver-
spreidingslys geplaas

word en die stem-
boodskap daagliks op

jou selfoon ontvang.
Geen gemorspos nie.


TIENDEMAANDINSAMELING

As deel van die tiendemaandinsameling skenk ons aan elke gesin 'n witskers. Kerse is in die voorportaal van die kerk beskikbaar, of by die kerkkantoor. Steek die kers aan saam met 'n spesiale ete, tydens jou stiltetyd, of om 'n geliefde se lewe te herdenk en word deur dié simbool opnuut herinner aan die Lig wat vir die wêreld gebore is. Uit dankbaarheid dra ons dan ook by tot die werk van die koninkryk.

Tiendemaandbydraes kan elektronies oorbetal word na: ABSA, tjekrekening 145 058 0011, takkode 632005, met verwysing: Tiendemaand. Kontantbydraes kan in 'n gemerkte koevert in die kollektiebord gesit word, of by die kerkkantoor inbetaal word.

Jesus het self gesê: *Om te gee, maak 'n mens gelukkiger as om te ontvang.* (Hand. 20:35) en *Waar jou skat is, daar sal jou hart ook wees.* (Matt. 6:21).

2020 se syfer dui die werklike inkomste tot op 3 Desember 2020 aan.



MET LEEDWESE

Aristo Christoffel Nell, gebore 08/09/1939 en oorlede op 30/11/2020. Hy was sedert 1972 'n lidmaat en het in die laaste jare in Fairtrees-aftreeoord gewoon. Ons medelye aan Maretha, haar kinders en kleinkinders. Sy gedenkdien is Maandag 7 Desember in die kerkgebou.

A SEMSKEP-GEBEDSBYEEKOMS

Sluit op Dinsdagaand 8 Desember om 18:30 in die kapel by ons gebedsbyeenkoms met 'n Kersfeetema aan.

AANLYN

ADVERTENSIEBLAD

In die Samaritaan-advertensieblad op www.stellenberg.co.za word produkte, verskeie dienste, woonplekke en werksgeleenthede, geadverteer. Advertensies sonder 'n foto kan teen R50 per maand geplaas word en die met 'n foto teen R100 per maand.

Stuur 'n e-pos aan sanel@stellenberg.co.za.

SNAPSCAN



BYBELLEESPROJEK 2020-2021

Ons beoog om deur die loop van 2021 tydens eredienste, kategeese en ook d.m.v. die Bybelskoolkursus sistematies deur die Bybel te lees.

Bybelskoolkursus van 2020 - '21 in die kerk en aanlyn: Die Bybelskoolkursus sluit by die Bybelleesprojek aan en die tweede aanbieding vind op Maandag 7 Desember om 19:00 in die kerkgebou plaas. Die aanbiedings is ook aanlyn op www.stellenberg.co.za beskikbaar. Jy kan jou eie Bybelvertaling gebruik om by die Bybelskoolkursus, of leesprojek in te skakel, maar ons moedig tog lidmate aan om die nuwe vertaling te bekom. 'n Gratis Bybelleesgids kan Maandagaand by die Bybelskoolaanbieding, of weksdae by die kerkkantoor afgehaal word.

Afhaal en bestelling van Bybels: Lidmate wat Bybels bestel het, kan dit Maandagaand by die Bybelskoolaanbieding, of by die kerkkantoor vanaf 08:00 tot 13:00, afhaal. Rig navrae aan ds. Marius Breytenbach by 082 376 6053 of marius@stellenberg.co.za.

KERSETE IN KLIPHEUWEL

Ons bied vanjaar weer in samewerking met Shiloh 'n Kerse te aan vir die mense woonagtig in die informele nedersetting van Klipheuwel. Om aan Covid-19-regulasies te voldoen, sal dit 'n wegneemete wees en ons beoog om etes aan 400 volwassenes en kinders te voorsien. Finansiële bydraes vir die groot onderneming sal baie waardeer word en kan elektronies inbetaal word by die volgende rekening: Shiloh, FNB, Willowbridge, takkode 210655, rekeningnommer 622 643 38643. Verwysing KLIPPIES.

BEROEPING DR. AGENBAG

Dr. André Agenbag, wat voltyds in diens van die Sinode Wes-Kaapland werk, se versoek om aan Stellenberg-gemeente gekoppel te word, is op die kerkraadsvergadering van 25 November goedgekeur en 'n beroep vir dr. André Agenbag is deur die kerkraad uitgebring. Die beroep word aan die gemeente bekend gemaak met die oog op approbasie en dr. Agenbag sal dan DV op Sondag 13 Desember in die gemeente bevestig word. Die beroep het geen koste-implikasie vir die gemeente nie, aangesien hy deur die sinode vergoed word.

VAKATURE STELLENBERG-GEMEENTE

Die gemeente beskik oor 'n vakature vir 'n **finansiële bestuurder**. 'n Tersiêre finansiële kwalifikasie, asook bewese ondervinding is vereistes. Dienaanvaarding: 1 Maart 2021. Stuur 'n volledige CV voor 8 Januarie 2021 om 12:00 na stellenberg@stellenberg.co.za. Die posbeskrywing kan ook by die e-posadres aangevra word.